

Қазақстан Республикасының ғылыми-технологиялық одан әрі дамуы жөніндегі шаралар туралы

Қазақстан Республикасы Президентінің 2007 жылғы 6 сәуірдегі N 311 Жарлығы.

Президент пен Үкіметтің актілер жинағында және республикалық баспасөзде жариялануға тиіс

Мемлекеттің тиімді ғылыми-технологиялық дамуы үшін қолайлы жағдай жасау мақсатында **ҚАУЛЫ ЕТЕМІН:**

1. Қазақстан Республикасының Үкіметі заңнамада белгіленген тәртіппен:

1) "Самғау" ұлттық ғылыми-технологиялық холдингі" акционерлік қоғамын (бұдан әрі - "Самғау" ұлттық холдингі" АҚ) құрсын;

2) екі апта мерзімде:

"Самғау" ұлттық холдингі" АҚ қызметінің негізгі принциптері туралы меморандумды бекітуді;

акцияларының мемлекеттік пакеттері (қатысу үлестері) "Самғау" ұлттық холдингі" АҚ-ның жарғылық капиталына төлеуге берілетін заңды тұлғалардың тізбесін бекітуді қамтамасыз етсін;

3) бір ай мерзімде нормативтік құқықтық актілерге тиісті өзгерістер мен толықтырулар енгізуді қамтамасыз етсін;

4) осы Жарлықтан туындайтын өзге де шараларды қабылдасын.

2. Осы Жарлықтың орындалуын бақылау Қазақстан Республикасы Президентінің Әкімшілігіне жүктелсін.

3. Осы Жарлық қол қойылған күнінен бастап қолданысқа енгізіледі.

Қ а з а қ с т а н
Президенті

Р е с п у б л и к а с ы н ы ң